



Republika e Kosovës
Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

REPUBLICA E KOSOVES/REPUBLIKA KOSOVA/REPUBLIC OF KOSOVO
 AGJENCIA KUNDËR KORRUPSIONIT
 AGENCIJA PROTIV KORUPCIJE
 ANTI-CORRUPTION AGENCY

Dep. 2-D
 Nr. i fag. 03
 Nr. pages

Nr. Prot. 01-2533/15
 Br. Prot. 01-2533/15
 Prot No. 01-2533/15
 Data 20.08.2015
 Datum 20.08.2015
 Date 20.08.2015

PRISHTINE

DATE/A:	19.08.2015
REFERENC-Ë:	AKK- DPK- DPKPP
PËR/ZA/TO:	z. Ismet HYSENI Udhëheqës i Prokurimit në Ministrinë e Shëndetësisë
CC:	z. Gani SHABANI Sekretar i Përgjithshëm në Ministrinë e Shëndetësisë
NGA/OD/FROM:	Hasan PRETENI Drejtor i Agjencisë kundër Korrupsionit
TEMA/SUBJEKAT/SUBJECT:	Opinion lidhur me Tenderin me titull “Furnizim me barna dhe material shpenzues medicinal nga L.E” i ndare ne dy pjese

Të nderuar,

Në mbështetje të nenit 5 paragrafi 1 nënparagrafi 1.12 të Ligjit nr. 03/L-159 për Agjencinë kundër Korrupsionit dhe nenit 19 paragrafi 1 nënparagrafi 1.6 të Ligjit nr. 04/L-051 për Parandalimin e Konfliktit të Interesit në Ushtrimin e Funkcionit Publik, lidhur me “Furnizim me barna dhe material shpenzues medicinal nga L.E” me numër prokurimi: 206 15 035 111, Agjencia kundër Korrupsionit, ofron këtë:

O P I N I O N

Ministria e Shëndetësisë si Autoritet Kontraktues me datë 23.07.2015 përmes zyrës së prokurimit ka paraqitur kërkesë zyrtare ne forme elektronike në Agjencinë kundër Korrupsionit, përmes të cilës ka kërkuar që ndonjë përfaqësues nga Agjencia kundër Korrupsionit të jetë pjesë e

monitorimit lidhur me vlerësimin e tenderit me titull "Furnizim me barna dhe material shpenzues medicinal nga L.E" me numër Prokurimi: 206 15 035 111.

Aktivitet i prokurimit ne faqen elektronike te KRPP-se është publikuar me datën 12.06.2015 në procedurë të hapur, ndërsa tek neni II pika 1.9 te njoftimit për kontrate informohemi se ky tender është ndare në dy pjese. Autoriteti Kontraktues/ Departamenti i prokurimit në dosjen e tenderit dhe në njoftimin për kontrate i ka specifiku qarte të gjitha kërkesat minimale për kualifikim (përshtatshmëria, profesionaliteti, kërkesat teknike dhe financiare, si dhe kriteret për dhënie të kontratës te cilat janë përpiluar ne pajtueshmëri me LPP dhe ligjet qe e rregullojnë specifikën e prokurimit për këtë tender referuar ne. Ligji 04/L-190 – për produkte dhe pajisje medicinale dhe Udhëzimit Administrativ 1/2015 për Autorizimin për Marketing.

Objekti i kësaj kontrate është i ndarë në dy pjese:

Në pjesën e para-lot1 te tenderit është paraqitur lloji i produktit: Analog insuline me veprim te mesëm dhe te shpejte, shiringe e mbushur /sol për inj me doze 100/(U/ml, 3ml) dhe me sasi orientuese 143,750 cope vjetore-BQ.

Në pjesën e dyte-lot2 është paraqitur lloji i produktit: methyprednisolone, sol për nj me doze 40mg/ml,1ml dhe sasi orientuese 150,800 cope vjetore-BQ.

Me tutje në sesionin II te fleta e dhënave të dosjes se tenderit au'oriteti kontaktues ka paraqitur se kontrata është kornize për 36 muaj dhe produktet e ofruara duhet te kenë afatin e skadencës minimum 12 muaj nga data e pranimi.

Ky aktivitet i prokurimit ka qene i planifikuar dhe vlera e parashikuar arrin deri ne 900,000.00 (€) pas vlerësimit formal te nevojave te bërë nga departamenti i farmacisë për këto dy produkte konkretisht këto kërkesa përfshihen ne shkresën zyrtare te njësisë kërkuese.

Agjencia kundër Korrupsionit, pasi ka marr pjesë në cilësinë e monitoruesit në vlerësimin e tenderëve dhe ka shqyrtuar me kujdes të gjitha dokumentet e tenderit me titull " Furnizim me barna dhe material shpenzues medicinal nga L.E " dhe ne kronologji ka konstatuar se:

Hapja e tenderit është bërë me dt.13.07.2015 në ora 14:30 në objektin MSH, ku numri i tenderëve të pranuar për Lot I është dy, ndërsa për Lot II është pese. ndërsa nr. i OE që e kanë tërhequr dosjen e tenderit është (15) .

Agjencia kundër Korrupsionit ka qene pjese aktive e vlerësimit dhe tere dokumentacioni ofertuese i OE konkurrues është vlerësuar ne prezencën tone dhe pas përfundimit te procedurës se vlerësimit konstatojmë se për Lot 1 kane ofertuar dy operator ekonomik te cilët kane ofruar dokumentacion dhe njëherë kane përmbushur të gjitha kërkesat minimale të cilat janë caktuar në njoftimin për kontratë dhe në dosjen e tenderit nga ana e autoritetit kontraktues. Andaj operatori ekonomik që ka dorëzuar tender të përgjegjshëm me çmim më të ulet konkurrues është rekomanduar që të shpërblehet me kontratë.

Në pjesën dyte të tenderit **Lot II** autoriteti kontraktues ka pranuar pese tenderë nga operatorët ekonomik konkurrues, kështu që tere dokumentacioni tenderëve te pranuar me kohe nga OE, është ekzaminuar, vlerësuar dhe krahasuar dhe si kemi vetëm një operator te përgjegjshëm, i cili ka përmbushur të gjitha kërkesat të cilat janë caktuar në njoftimin për kontratë dhe në dosjen e tenderit nga ana e autoritetit kontraktues.

Si përfundim Agjencia Kundër Korrupsionit konsideron se vetëm njëri nga Operatorët ekonomik i plotëson kërkesat konform Dosjes së këtij tenderi dhe si i tillë është i përgjegjshëm, andaj meqenëse ka më pak se dy Oferta të përgjegjshme, AKK rekomandon anulimin e procedurës së prokurimit për **Lot 2**.

Agjencia kundër Korrupsionit pasi ka shqyrtuar dhe ekzaminuar me kujdes dokumentacionin e ofruar lidhur me këtë procedurë të prokurimit, dhe pas monitorimit që ka bërë në vlerësimin e këtij tenderit nuk ka gjetur prova të mjaftueshme me të cilat do të evidentohet ndonjë shkelje e dispozitave të LPP-së.

Në mbështetje të nenit 18 paragrafi 11 të Ligjit nr.03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja.